

根本說一切有部毗奈耶卷第十一 去一

唐三藏法師義淨奉 制譯

十三僧伽伐尸沙法

攝頌曰

泚觸鄙供媒 小房大寺誇 片似破僧事

隨從汗慢語

乙

故泚精學處第一

尔時薄伽梵在室羅伐城逝多林給孤獨園
時具壽鄔陀夷常所作事若在聚落村坊寺
內止住之處晨朝早起灑掃庭宇以新牛糞
而塗拭之方向房外淨洗手足嚼齒木已於
日初分執持衣鉢入聚落中或村坊內次行
乞食然不善護身根不住正念既得食已遂
還本處飯食訖收衣鉢洗足已便入房中以
自消息若彼欲意現在前時即手執生支泚
精取樂時有衆多苾芻看行房舍遂至鄔陀
夷所住之處共相慰問在一面坐時諸苾芻
問鄔陀夷曰具壽堪忍衆事無諸病惱安樂

行不不以乞食為勞苦也即報諸苾芻曰我
今堪忍衆事無有病惱乞食易得安樂而住
諸人問曰何意具壽堪忍衆事得無憂惱安
樂而住耶鄔陀夷曰具壽知不我之常業若
在聚落村坊寺內止住之處於晨朝早起灑
掃庭宇廣說如前乃至手執生支泚精取樂
由此因緣得除熱惱安樂而住不以乞食為
苦時諸苾芻聞是語已不喜不嫌捨之而去
往世尊所禮佛足已在一面坐具以上事白
佛佛以此緣觀二事故集苾芻衆云何為二
一者欲令我諸聲聞弟子知所作事是非法
故二者由此為緣我欲為諸聲聞制學處故
諸佛常法知而故問乃至廣說尔時世尊知
時而問鄔陀夷曰汝實作如是不端嚴事耶
荅言實尔世尊以種種訶責言汝所為非沙
門非隨順法非清淨行非出家人之所應作
云何癡人於我善說法律之中而為出家聞
說離貪瞋癡心慧解脫微妙之法而汝作斯

不善之事癡人寧以手執可畏黑蛇不以漆
 心自捉生支故泄不淨云何汝癡人以其兩
 手受彼信心婆羅門諸長者等所施飯食云
 何以手作此非法將為安樂世尊作此種種
 訶責已告諸苾芻曰我觀十利廣說如前為
 諸聲聞弟子於毗奈耶制其學處當如是說
 若復苾芻故泄精者僧伽伐尸沙

尔時世尊為諸苾芻制學處已時有諸苾芻
 於睡夢中泄精各生追悔心不安樂共相謂
 曰仁今知不世尊為諸苾芻於毗奈耶制其
 學處若苾芻以故心泄精者得僧伽伐尸沙
 我等睡時夢中泄精于時有泄精想豈非我
 等犯僧伽伐尸沙耶宜應共詣具壽阿難陀
 所具陳其事如彼所說我當奉持時諸苾芻
 即便共詣阿難陀所到已白言具壽阿難陀
 知不如佛世尊為諸聲聞於毗奈耶制其學
 處若復苾芻故泄精者僧伽伐尸沙我等於
 睡夢中泄精皆有想心成生追悔豈非我等

犯僧伽伐尸沙耶由此故來請問大德如所
 陳說我當持之時阿難陀聞此語已將諸苾
 芻詣世尊所禮佛足已在一面坐阿難陀白
 佛言世尊大德為諸苾芻制其學處若復苾
 芻故泄精得僧伽伐尸沙此諸苾芻於睡夢
 中泄精皆有想心彼諸具壽成生追悔將非
 我犯僧殘罪耶不知諸苾芻為犯不犯世尊
 告阿難陀曰彼諸苾芻想心緣慮我不云無
 然在夢中非是實事應除夢中尔時世尊讚
 能持戒者讚敬重戒者為諸苾芻說隨順法
 令於善品得增長已告諸苾芻曰前是創制
 今是隨開是故我今為諸苾芻於毗奈耶重
 制學處應如是說

若復苾芻故心泄精除夢中僧伽伐尸沙苾
 芻義如上故心者謂故作意泄者謂精正流
 泄移其本處精有五種謂青黃赤厚薄此中
 青者謂是輪王及輪王長子受灌頂法其精
 俱青所餘諸子其色皆黃輪印大臣其色皆

赤已長成人其精厚未長成人其精薄若人被女欲所傷若擔重物或涉長途或身根損壞如斯等類容有五精除夢中者若在夢中無犯僧伽者若犯此罪應依僧伽而行其法及依僧伽而得出罪不依別人阿伐尸沙者是餘殘義若苾芻於四波羅市迦法中隨犯其一無有餘殘不得共住此十三法苾芻雖犯而有餘殘是可治故名曰僧殘

此中犯相其事云何有五事別一為樂故二為呪故三為種子故四為藥故五為自試故云何為樂若苾芻為泄精樂故於內色處有染欲心起方便發動生支而泄精受樂者得僧伽伐尸沙雖加方便若精不泄得窣吐羅底也如是若為搖動生支樂故而故泄精或為摩觸捉搦樂故而故泄精或為出生支頭樂故而故泄精得罪輕重廣如上說如為樂既尔若為呪為求種子為藥或為試力而泄精者得罪輕重如上若苾芻為樂故欲出青

精於內色處有染欲心起方便而泄其精或求黃赤厚薄等得罪如上內色既尔外色亦然攝頌曰

若舞及於空 精動身中泄 揩摩出時樂
染意量生支 或時染心視 或逆流順流
及逆風順風 應知罪輕重

若苾芻因作舞時泄精者得吐羅罪若精不泄得惡作罪若苾芻故於空中搖騰而泄精者得窣吐羅底也若精不泄者得惡作罪若苾芻精戰動時遂便攝意而精泄者得窣吐羅底也若不泄者得惡作罪若精已泄尚在身中而加方便使精泄者得窣吐羅底也若不泄者得惡作罪若苾芻受他揩身因而精泄者得窣吐羅底也若有染心而不泄者得惡作罪若苾芻量生支作心受樂因而精泄者得窣吐羅底也若不泄者得惡作罪若苾芻以染欲心以已生支逆流而持得窣吐羅底也若

順流而持得惡作罪若苾芻以染欲心以生支逆風而持得宰吐羅底也若順風持得惡作罪無犯者若走若跳戲若浮若越坑塹攔楯若行觸髀觸衣若入浴室若憶故二若見可愛之色或搔疥癢無受樂心而精流泄斯皆無犯又無犯者最初犯人或癡狂心亂痛惱所纏

觸女學處第二

佛在室羅伐城逝多林給孤獨園時六眾苾芻共相告曰我等每於晨朝恒令一人在逝多林門若有婆羅門長者居士來往經過為說法要有論議者我當折伏令名稱遠聞眾所欽仰此六眾苾芻於六大城所有氏族種類及諸工巧名諱差別無處不知無人不識時具壽鄔陀夷於晨朝時嚼齒木被僧伽胝禮宰觀波已於逝多門外經行遊適此城常法若婆羅門居士居士婦共出都城往芳林內周徧遊觀持諸華菓入逝多林禮世尊足

去一

五

并諸大德時有眾多居士居士婦至逝多林鄔陀夷見已作如是言善來姊妹猶如初月時一現耳諸女荅曰大德如世尊說若人居在八無暇中於清淨行無容修習我之女身多諸障難鎮營家業復是第九無容暇事時鄔陀夷聞是語已報語女曰汝豈不聞

昔有婆竭王 廣營眾事業 所作事未畢

其命已終亡 汝等營家業 其事無竟時

死是人共嫌 寧知忽來至

諸女聞已荅言大德我緣此故來入寺中禮世尊足并諸上座大德苾芻鄔陀夷曰善來姊妹如世尊說以不堅身而求堅法汝等來入寺中隨喜禮拜實為善事汝等於此寺中頗請苾芻為引導人指授房舍及塔廟不諸女報曰大德豈我手執明炬而更求燈燭今捨大德別請餘人為引導耶時鄔陀夷便作是念若我為其指授房舍廢修善品若不指授交有所闕入城乞食誰當見與雖廢正修

宜應指授便洒手足即執香華引導而進說
伽他曰

若人以真金 日施百千兩 不如暫入寺
誠心一禮塔

姊妹此是如來所居香殿然佛世尊晝夜六
時常以佛眼觀察世間誰增誰減誰遭苦厄

誰向惡道陷沒欲泥誰堪受化作何方便拔
濟令出無聖財者令得聖財以智安膳那破
無明膜無善根者令種善根有善根者令其
增長安人天路能盡苦際趣涅槃城時鄔陀
夷說伽他曰

假使大海潮 或失於期限 佛於所化者

濟度不過時 如母有一兒 常護其身命

佛於所化者 愍念過於彼 佛以大悲心

徧於生死內 常隨所化者 如母牛憐犢

然佛世尊應正等覺具足十力四無所畏作

師子吼覺悟群迷汝應至心禮敬尊足

次至餘房而告之曰此是上座阿若憍陳如

去一

六

所住之房諸妹然此世間盲冥無識既罕將
導長夜輪迴尔時世尊初成正覺以妙智藥
為開法眼三轉法輪令其啓悟於大師眾弟
子之中最為上首耆年宿德善修梵行受持
法衣此為初首汝應至心禮敬其足
次至尊者大迦葉波所住之房告言諸妹此

是大婆羅門勝妙之族捨九百九十九具犁
牛二百餘碩碎金大麥六十億金錢有十八
封邑僕使傭人有十六聚落興易實估妻各
迦畢梨身如金色儀容美麗無與等者如此
眾事並皆棄捨如捐洩唾於後夜時捨百千
上服著鹿毳僧伽胝歸佛出家住於林藪假
使狂象舉目視之便捨狂醉少欲知足修杜
多行於大師眾弟子之中威德尊重最為第
一汝應至心禮敬其足
次至尊者舍利子所住之房告言諸妹此是
貴族婆羅門子捨俗出家年始十六諦精聲
明經心悟解諸外論者並皆摧伏如世尊說

一切世間智 惟除於如來 不及身子智
 十六分之一 一切人天智 皆如舍利子
 不及如來智 十六分之一
 於大師眾弟子之中有大智慧具足辯才最
 為第一汝應至心禮敬其足
 次至尊者大目犍連所住之房告言諸妹此
 是輔國大臣婆羅門子捨貴勝位而為出家
 有大神力能以足指動帝釋宮於大師眾弟
 子之中有大威德具大神通最為第一汝應
 至心禮敬其足
 次至尊者阿尼盧陀所住之房告言諸妹此
 是佛堂弟亦捨貴位隨佛出家有大力曾
 有實主於大海中遭遇厄難稱其名字船得
 安隱不損珍財還到故居於大師眾弟子之
 中得淨天眼最為第一汝應至心禮敬其足
 次至尊者阿難陀所住之房告言諸妹此是
 佛堂弟捨俗出家於世尊所親奉侍雖經
 長夜無勞倦心大智聰明聖所稱歎如來所

說一切經典聞悉能受如瓶寫水置之異器
 於大師眾弟子之中多聞摠持最為第一汝
 應至心禮敬其足
 次至尊者難陀所住之房告言諸妹此是佛
 親弟捨俗出家若不出家為力輪王於大師
 眾弟子之中善護諸根能防外境最為第一
 汝應至心禮敬其足
 次至具壽羅怛羅所住之房告言諸妹此是
 佛之子捨俗出家若不出家當為轉輪王於
 大師眾弟子之中愛重學處奉持無失最為
 第一汝應至心禮敬其足
 次至難陀邬波難陀阿說迦補捺婆素迦闍
 陀所住之房此是我房汝當觀禮既觀看已
 命之令坐其邬陀夷是姪染行於其房中瑩
 飾莊嚴壁皆彩畫以氈綿褥安在卧牀諸妙
 箱篋用貯資具於机案上著香水瓶并諸杓
 器時邬陀夷告諸女曰姊妹為先食小食為
 飲蜜漿諸女報曰大德豈有河水而逆流耶

理應我等先有供養寧容返受大德施耶善哉聖者我有所須幸當見施即便問曰尔何所須諸女報曰未曾聞法願為我說鄔陀夷曰善哉姊妹如世尊說於諸世間有其六事希有難遇云何為六一諸佛出世難可逢遇二如來所說微妙法律難可得聞三人身難

得四中國難生五諸根難具六信心難發姊妹此是難事汝已得之當起信心如親對佛坐聽法要我當為說是時諸女即便禮敬鄔陀夷足在一面坐專心聽法時鄔陀夷即為說法隨所說法便生染心猶如呪師不善呪術呪鬼病者隨所呪時被鬼所打其鄔陀夷亦復如是隨所說法被染觸心染心既生從座而起即便以手摩觸女身時諸女中有相愛者染言調戲身手相觸若不愛者即出房外徐步簷廊共生嫌賤作譏議言誰知水內更出火光於歸依處返生恐怖我等昔日謂此僧房安隱涅槃離惱無疑然更於此有諸

災患恐怖憂惱彼譏嫌時苾芻聞已問言姊妹汝嫌罵誰荅言我罵仁等報言我作何事令汝生嫌荅言我等昔來雖遭賊處及猖狂人不聞鄙語如鄔陀夷所說我之身體雖被夫主時有摩觸未如鄔陀夷強見凌逼若我父母兄弟姊妹夫主聞者乃至不聽我等望

遊多林况入園中而伸禮敬諸苾芻報曰姊妹彼苾芻具持禁戒是大臣子而性多愛欲作此方便用暢染心女人荅言聖者如牛角雖利豈可及破自腹耶設有染心寧得自虧梵行諸苾芻曰姊妹且住我當遮止荅言聖者若為遮止深是善哉若不遮者我等終不以足重來遊踐逝多園林苾芻報曰我共遮止不使更然時諸女人共嫌而去時具壽鄔陀夷便行笑出房諸苾芻見而問曰大德鄔陀夷所為鄙媒汗辱沙門何意恣情更為歡笑鄔陀夷報曰我作何事我豈飲酒噉葱蒜耶諸苾芻曰鹿事之事汝尚為之飲酒噉蒜

何疑不作報曰我作何事諸苾芻曰此婆羅門居士婦女譏罵而去豈非過耶報曰汝等但解執持黑鉢巡家乞求慳嫉纏心日見增甚乃至不能為他說四句法見他演說更起嫉嫌諸苾芻曰我觀具壽雖數為說曾無一人能見諦者報曰且令根熟漸入諦門諸苾芻有少欲者皆共譏嫌而訶責曰云何苾芻所作非理應懷耻愧翻起貢高時諸苾芻以此因緣具白世尊世尊因此集諸苾芻知而故問汝鄔陀夷實作如是鄙惡事耶白言實尔佛言汝所為非非沙門非隨順不清淨所不應為尔時世尊種種訶責已告諸苾芻我觀十利乃至我今為諸聲聞弟子於毗奈耶制其學處應如是說

若復苾芻以染纏心與女人身相觸若捉手若捉臂若捉髮若觸一一身分作受樂心者僧伽伐尸沙

若復苾芻者謂鄔陀夷或復餘類以染纏心

者有是染心而非纏心有是纏非染或俱有俱無云何染而非纏謂有染心非極染心現在前時云何纏而非染謂心緣外境有所繫著未起染心云何染纏俱心謂有染心極染心貪求前境心有繫著云何染纏俱非謂除前相女人者若婦若童女堪行欲事身相觸者謂以身就身作摩觸事捉手者謂腕已前捉臂者謂腕已後捉髮者謂是頭髮及相繫綫帶一一身分者謂諸支節作受樂心者情受欲樂僧伽伐尸沙者廣說如前

此中犯相其事云何有其九事云何為九謂觸極觸^{去一}馮捉牽曳上下徧抱云何為觸若苾芻以染纏心共堪行姪女人故觸彼頭無有衣隔得僧伽伐尸沙有衣隔者得穿吐羅底也如頭既尔若觸肩背齋肱乃至足指有衣無衣皆如上說如觸既尔極觸馮捉亦復如是云何為牽若苾芻以染纏心捉堪行姪女從遠牽至近從近推令遠得罪同前云何為

曳謂苾芻捉女人從右畔曳向左邊或從左邊曳向右畔或從足至頭或從頭向足云何為上謂捉女人從地舉上過於足指若無衣隔得根本罪若有衣隔得方便罪足指既介若過脛膝及餘身分乃至于頂若舉上牀座若象馬車輦或上樓閣若苾芻有染纏心而受觸樂作快意想隨以身分觸著之時若無衣隔得根本罪若有衣隔得方便罪是名舉上云何為下若苾芻捉堪行姪女從樓閣上擊令向下或至象馬車乘牀座之上擊下乃至足指著地得罪同前是名為下云何徧抱若苾芻於堪行姪女人以手捉搦其項乃至足指隨觸身分得罪同前凡觸女身若是堪行姪者無衣隔時得根本罪有衣得方便罪若不堪者無衣得鹿罪有衣得惡作若苾芻以染纏心觸男黃門堪行姪者無衣鹿罪有衣惡作若無堪者有衣無衣俱得惡作若觸傍生堪與無堪並得惡作若無染心觸母女

去一

十一

姊妹並皆無犯若見女人被水所漂或時自縊或敷毒藥等為救濟時觸皆無犯又無犯者最初犯人或癡狂心亂痛惱所纏

說鄙惡語學處第三

佛在室羅伐城逝多林給孤獨園時鄔陀夷苾芻緣起同前乃至隨所說法被染觸心染心既生便對女人說鹿惡語謂是鄙惡姪欲相應猶如夫妻論說俗事時諸女中有相愛者鄙言調戲身相拊拍若不愛者便出房外作譏嫌言誰知水內更出火光於歸依處返生恐怖廣說如前乃至制其學處應如是說若復苾芻以染纏心共女人作鄙惡不執姪欲相應語如夫妻者僧伽伐尸沙若復苾芻者謂鄔陀夷或復餘類以染纏心者有其四句廣說如前言女人者謂婦及童女於善惡言能解其義鄙惡語者有其二種一是波羅市迦因起二是僧伽伐尸沙因起云何名此為鄙惡語答有自性鄙故因起鄙故惡者謂

罪過也謂說姪欲交會之言如夫妻者猶如
 夫婦說非法語僧伽伐尸沙者廣如上說
 此中犯相其事云何有其九事謂善說惡說
 直乞方便乞直問曲問引事讚歎瞋罵云何
 善說若苾芻以染纏心對堪能女解善惡言
 作如是說姊妹汝三剗門實是善好形狀可
 愛若與葉婆合說之時得僧伽伐尸沙若不
 與葉婆合說者得宰吐羅底也是名善說云
 何惡說若苾芻以染纏心對堪能女解善惡
 言作如是說姊妹汝三剗門實是不好形狀
 可惡若與葉婆合說之時得僧伽伐尸沙若
 不與葉婆合者得宰吐羅底也是名惡說葉婆

者正目西方說男女交合不軌之言若非此
 方音者言多鄙媠又復方音隨處不定故存
 本字然西方教授說此言時亦不云何直乞
 全道以鄙惡故但云葉字婆字耳

去

十二

女人共男子作如是事此女必為男所愛重
 汝若共我作如是事我今亦當憐愛於汝若
 與葉婆合說得僧伽伐尸沙若不合說得宰
 吐羅底也是名方便乞云何直問廣說如前
 乃至作如是語姊妹若有男子共女人作如
 是事此男子必為女人之所愛念我今共汝
 作如是事汝能於我生憐愛不餘並同前云
 何曲問廣說如前乃至作如是語姊妹若有
 女人共男子作如是事此女人必為男子所
 愛我今愛汝汝於我處能作如是事不餘並
 同前云何引事廣說如前乃至作如是語姊
 妹我先曾於某處園中天祠之所大眾聚集
 共諸女人噉美妙食飲好蜜漿布列香華敷
 勝牀座便於通夜庭列明燈共彼女人作如
 是語若姊妹當時來赴集者我亦共汝作如
 是事餘並同前云何讚歎廣說如前乃至作
 如是語姊妹若有男子與汝作如是語姊妹
 若有男子與汝作如是事彼得現樂及受天

樂我亦共汝作如是如是事亦得現樂及受
天樂餘並同前云何瞋罵謂若苾芻以漆纏
心對堪能女解善惡言作如是說汝應共蛇
及驢畜等作姪欲事作斯罵辱若與葉婆合
說者得僧伽伐尸沙若不合說得宰吐羅底
也是名瞋罵如前苾芻對婦童女說其九事

去一

十三

若婦童女是堪者解善惡言來對苾芻作如
是語聖者仁二瘡門實是善好形狀可愛若
苾芻聞是說已以漆纏心作受樂意印可而
住隨所說時以言報答若與葉婆合說得僧
伽伐尸沙若不合說得宰吐羅底也是名善
說云何惡說廣說如前乃至女人來對苾芻
作如是語聖者仁二瘡門實是不好形狀可
惡餘如上說云何直乞廣說如前乃至女人
來對苾芻作如是語聖者來共我作如是如
是事餘如上說云何方便乞廣說如前乃至
女人來對苾芻作如是語若有男子共女人
作如是如是事此男必為女所愛重仁若共

我作如是如是事我今亦當極相憐愛餘如
上說云何直問廣說如前乃至女人來對苾
芻作如是語聖者若有女人共男子作如是
如是事此女人必為男子之所愛念我今共
仁作如是事能於我生憐愛不餘如前說云
何曲問廣說如前乃至作是語聖者若有男
子共女人作如是事此男子必為女人所愛
我今愛仁仁於我處能作如是事不餘並同
前云何引事廣說如前乃至作如是語聖者
我曾於某處園中天祠之所大眾聚集共諸
男子噉美妙食飲好蜜漿布列香華敷勝林
座便於通夜庭列明燈共諸男子作如是事
若聖者當時來赴集者我亦共仁作如是如
是事餘並同前云何讚歎乃至作如是語聖
者若有女人共仁作如是事彼得現樂及受
天樂我亦共仁作如是事亦得現樂及受天
樂餘並同前云何瞋罵謂是堪行姪女解善
惡言來對苾芻作如是語汝應共驢畜等作

婬欲事作斯罵辱若苾芻以深愛心作受樂
意印可而住隨所說時以言報答若與葉婆
合說得僧伽伐尸沙若不合說得宰吐羅底
也若無力女者得宰吐羅底也若男子半擇
迦堪行婬得宰吐羅底也不堪者得惡作若
傍生趣有力無力皆惡作罪無犯者若說葉

縛言

大麥

或說葉摩尼言

律慢

若於方國雖

說鄙惡言然非所諱者皆非是犯又無犯者
最初犯人或癡狂心亂痛惱所纏

索供養學處第四

爾時佛在室羅伐城逝多林給孤獨園時六
眾苾芻常所作事每於晨朝恒令一人在逝

多林門看守而住時鄔陀夷見諸人眾來入
寺中即便引導指授房舍禮佛及僧廣說如
前乃至為女說法自讚其身姊妹此是第一
供養中最如我相似持戒修善應以婬欲法
而為供養說此語時於女人中情相許者即
便歡笑其不樂者出譏嫌言廣說如前諸苾

芻聞已訶責便往白佛佛以此緣集諸苾芻
乃至為諸苾芻制其學處應如是說

若復苾芻以深纏心於女人前自歎身言姊
妹若苾芻與我相似具足尸羅有勝善法修
梵行者可持此婬欲法而供養之若苾芻如
是語者僧伽伐尸沙

若復苾芻者謂鄔陀夷復更有餘如是等類

以深纏心者有其四句廣說如前言女人者
謂婦及童女於善惡言能解其義謂歎自身

求索供養言姊妹等此是供養中勝者謂是

第一也與我相似者自指其身具足尸羅者

謂具戒蘊有勝善法者謂具定蘊言梵行者

去十

十五

謂具慧蘊言將此婬欲法者此中法言目其
非法將此婬欲非餘事也婬欲者謂不淨行
餘如上說

此中犯相其事云何有十八事謂最勝殊妙
賢善應供可愛廣博極最極勝極殊極妙極
賢極善極應供極可愛極廣博若苾芻以深

媒下音葱下音腕烏買綬子紅馮音曳音
反齋時軟反推令脛膝拊拍軌水
反車舉居余漂反縊於拊拍軌水
反騰音葉婆天祠半擇迦迦
名黃德

根本說一切有部毗奈耶卷第十二 去二

唐三藏法師義淨奉 制譯

媒嫁學處第五

介時薄伽梵在室羅伐城逝多林給孤獨園
 時此城中有一長者名黑鹿子於佛法僧深
 生敬信歸依三寶受五學處不殺生不偷盜
 不欲邪行不妄語不飲諸酒於此城中多有
 知識婆羅門居士得意之處若彼家中有女
 長成堪行婚娶者便問黑鹿子言汝知某家
 有童男不報言知有彼復問言彼之童子策
 勤無惰善營家業能於妻子多給衣食不令
 辛苦少令作務不若黑鹿子報云彼雖有男

性多懶惰不營家業不能令其妻子安樂衣
 食無匱聞此語時即不娉與若其報云彼家
 童子策勤無惰善營家業能於妻子多給衣
 食不令辛苦聞此語時即便娉與若求婦者
 問黑鹿子曰仁知彼家有女娉不報言知有
 彼即問言彼之童女策勤無惰能營家業不
 若言不能即不娶其女若言能者便媾婚姻
 若人嫁女至彼夫家不稱女意是時女族於
 黑鹿子即便嫌罵作如是說我與黑鹿子得
 意相知親友之處遣作媒娉翻令我女獲此
 艱辛所求衣食不能充濟若向夫家衣食充
 足女不營勞於黑鹿子即便稱讚若有男家
 取得婦已其婦不勤家事不稱夫心於黑鹿
 子即便同前廣生嫌罵若有男家取得婦已
 孝養恭勤能辦家業夫妻相順於黑鹿子即
 便同前廣生稱讚時黑鹿子於室羅伐城美
 惡聲譽俱時彰顯後於他日黑鹿子於三寶
 中倍生敬信遂於善說法律之中而為出家